

Broj: 01 – 02 961-62/16
Sarajevo, 08. 09. 2016. godine

VLADA UNSKO-SANSKOG KANTONA

n/r: Husein Rošić, premijer
Adis Muharemović, ministar obrazovanja, kulture, nauke i sporta
Dragana Bajrić, ministar zdravstva i socijalne politike

VLADA POSAVSKOG KANTONA

n/r: Marijan Klaić, premijer
Damir Živković, ministar zdravstva, rada i socijalne politike
Mario Pejić, ministar prosvjete, znanosti, kulture i športa

VLADA TUZLANSKOG KANTONA

n/r: Bego Gutić, premijer
Danijela Simić, ministar za rad, socijalnu politiku i povratak
Zlatan Muratović, ministar obrazovanja, nauke, kulture i sporta

VLADA ZENIČKO-DOBOJSKOG KANTONA

n/r: Miralem Galijašević, premijer
Nurđehan Šahinović, ministar za rad, socijalnu politiku i izbjeglice
Mensur Sinanović, ministar za obrazovanje, nauku kulturu i sport

VLADA SREDNJOBOSANSKOG KANTONA

n/r: Tahir Lendo, premijer
Katica Čerkez, ministar obrazovanja, nauke, kulture i sporta
Nikola Grubišić, ministar zdravstva i socijalne politike

VLADA BOSANSKO-PODRINJSKOG KANTONA

n/r: Emir Oković, premijer
Radmila Janković, ministar za pravosuđe, upravu i radne odnose
Damir Žuga, ministar za obrazovanje, mlade, nauku, kulturu i sport

VLADA HERCEGOVAČKO-NERETVANSKOG KANTONA

n/r: Nevenko Herceg, premijer
Rašid Hadžović, ministar obrazovanja, nauke, kulture i sporta
Goran Opsenica, ministar zdravstva, rada i socijalne zaštite

VLADA ZAPADNOHERCEGOVAČKOG KANTONA

n/r: Zdenko Čosić, premijer
Ružica Mikulić, ministar obrazovanja, znanosti, kulture i športa
Stjepan Bogut, ministar zdravstva, rada i socijalne skrbi.

VLADA KANTONA SARAJEVO

n/r: Elmedin Konaković, premijer
Amela Dautbegović, ministar za rad, socijalnu politiku, raseljena lica i izbjeglice
Elvir Kazazović, ministar za obrazovanje, nauku i mlade

VLADA KANTONA 10

n/r: Draško Dalić, premijer

Petar Galić, ministar znanosti, prosvjete, kulture i športa

Dragoslav Topić, ministar rada, zdravstva, socijalne skrbi i prognanih

Predmet: Pregovori o granskom kolektivnom ugovoru za područje djelatnosti srednjeg obrazovanja u Federaciji BiH - SEDMI SASTANAK PREGOVARAČKIH TIMOVA

Poštovani,

U prilogu vam dostavljamo prečišćeni tekst – nakon prvog čitanja - Kolektivnog ugovora za djelatnost srednjeg obrazovanja za teritorij Federacije Bosne i Hercegovine. Podsjećam vas da je ovaj dokument predmet pregovora između ovlaštenih pregovarača kantonalnih vlada s jedne i reprezentativnog sindikata s druge strane. Kao što vam je poznato, predstavnici Pregovaračkog tima Vlade Federacije BiH i Federalnog ministarstva obrazovanja i nauke su ovaj proces koordinirali, ali u njemu nisu bili pregovaračka strana.

Kao što možete vidjeti iz priloženog dokumenta, usaglašen je veći broj članova, međutim još uvijek ostaje da se usaglasni značajan dio teksta. S tim u vezi, na posljednjem sastanku pregovaračkih timova dogovoreno je da se neusaglašeni dijelovi dokumenta pokušaju usaglasiti na pregovorima koji će se održati po kantonima. Također je zaključeno da će se naredni sastanak pregovaračkih timova održati 23. 09. 2016. godine, za šta će biti upućen poseban poziv.

Uzimajući sve ovo u obzir, koristim ovu priliku da potaknem sve vlade kantona i reprezentativni sindikat da intenziviraju pregovore po kantonima kako bi se preostali dijelovi dokumenta usaglasili u što većem obimu i osiguralo potpisivanje istog u zakonski predviđenom roku.

Za sva eventualna pitanja možete se obratiti na telefon 061 789 714.

S poštovanjem,

Premijer

Fadil Novalić

Prilog: Prečišćeni pregledani tekst Kolektivnog ugovora za djelatnost srednjeg obrazovanja za teritorij Federacije Bosne i Hercegovine (35 stranica)

Na znanje:

FEDERALNO MINISTARSTVO OBRAZOVANJA I NAUKE

n/r: Elvira Dilberović, ministar

FEDERALNO MINISTARSTVO RADA I SOCIJALNE POLITIKE

n/r: Vesko Drljača, ministar

SINDIKAT SREDNJEG I VISOKOG, OBRAZOVANJA, ODGOJA, NAUKE I KULTURE BiH

n/r: Đevad Hadžić, predsjednik (ssvoonkbih@bih.net.ba, hadzicd@hotmail.com)

Kolektivni ugovor

za područje djelatnosti srednjeg obrazovanja

Prečišćeni tekst – prvo čitanje

07. 09. 2016.

NEUSAGLAŠENO (implicira Vladu FBiH kao pregovarača što nije u skladu sa Ustavom FBiH)

Na osnovu članova 137., 138. stav 3. i stav 4. i člana 182. Zakona o radu ("Službene novine Federacije BiH", broj 26/16) i člana [] Općeg kolektivnog ugovora za teritoriju Federacije Bosne i Hercegovine ("Službene novine Federacije BiH", broj 62/16) Sindikat srednjeg i visokog obrazovanja odgoja, nauke i kulture BiH, kao predstavnik radnika, Vlada Federacije BiH i vlade kantona kao predstavnik poslodavca, zaključuju:

NAZIV GRANSKOG KOLEKTIVNOG UGOVORA SE MIJENJA I GLASI :

USAGLAŠENO

Kolektivni ugovor za djelatnost srednjeg obrazovanja za teritorij Federacije Bosne i Hercegovine

I - OPĆE ODREDBE

Član 1.

(Predmet)

USAGLAŠENO U IZMJENJENOM TEKSTU KAKO SLIJEDI:

Ovim Kolektivnim ugovorom za djelatnost srednjeg obrazovanja (u daljem tekstu: Kolektivni ugovor) reguliše se zasnivanje radnog odnosa, zaključivanje ugovora o radu, dužina i raspored radnog vremena, plaće i druge naknade iz radnog odnosa, periodi isplate plaća i naknada, odsustvovanje sa rada i odmori, prestanak ugovora o radu, rješavanje sporova iz radnog odnosa i druga pitanja iz radnog odnosa i po osnovu rada u svim javnim ustanovama u kojima se obavlja srednjoškolska djelatnost i u đačkim domovima na području Federacije BiH (u daljem tekstu: srednja škola).

Član 2.

(Primjena najpovoljnijeg prava)

USAGLAŠENO U IZMJENJENOM TEKSTU KAKO SLIJEDI:

(1) Pravilnikom o radu srednje škole ili drugim pravnim aktima ne mogu se utvrditi manja prava radnika od prava koja su utvrđena ovim Kolektivnim ugovorom.

- (2) Ako je neko pravo iz radnog odnosa različito uređeno zakonima, kolektivnim ugovorom, pravilnikom o radu srednje škole ili drugim pravnim aktima primjenjuje se za radnika najpovoljnije pravo.

Član 3.

(Primjena drugih propisa)

USAGLAŠEN U NEIZMJENJENOM TEKSTU

Sva pitanja iz radnog odnosa koja nisu uređena Zakonom o radu, Opštim kolektivnim ugovorom za teritoriju Federacije BiH i ovim Kolektivnim ugovorom definisat će se pravilnikom o radu srednje škole.

Član 4.

(Zasnivanje radnog odnosa)

STAVOVI 1, 2, 4, 5 I 6 USAGLAŠENI U IZMJENJENOM TEKSTU KAKO SLIJEDI, STAV 3 SE BRIŠE:

- (1) U srednjim školama radni odnos zasnivaju **profesori/nastavnici**, odgajatelji, stručni saradnici, saradnici i radnici za obavljanje drugih poslova osnovne djelatnosti srednje škole, tehničkih i pomoćno-tehničkih poslova (u daljem tekstu: radnik) u skladu sa propisanim opštim i posebnim uslovima: (stručna sprema, stručni ispit, posebna specijalistička znanja, radno iskustvo, psihofizičke sposobnosti i drugi uslovi).
- (2) Radnik iz stava 1. ovog člana ostvaruje prava iz radnog odnosa u skladu sa zakonima, podzakonskim aktima, ovim Kolektivnim ugovorom sa propisanim opštim aktima srednje škole i ugovorom o radu.
- (3) Radnik kao i lice koje traži zaposlenje u srednjoj školi se ne može stavljati u neravnopravan ili nepovoljniji položaj u odnosu na druga lica s obzirom na spol, spolno opredjeljenje, bračno stanje, porodične obaveze, invalidnost, trudnoću, jezik, vjeru, političko opredjeljenje, nacionalnu pripadnost, socijalni status, imovno stanje, rođenje, rasu, boju kože, članstvo ili nečlanstvo u političkim strankama, članstvo ili nečlanstvo u sindikatu i zdravstveni status koji zadovoljava uslove za rad u srednjim školama.
- (4) Svako postupanje uzrokovano nekim od osnova iz stava (3) ovog člana predstavlja diskriminaciju.
- (5) Pravilnik o proceduri sa metodologijom i kriterijima za prijem radnika u srednje škole (u daljem tekstu: provedbeni akti/propisi) donosi nadležno ministarstvo/organ uz obaveznu konsultaciju s nadležnim organima reprezentativnih sindikata srednjih škola.

Član 5.

(Utvrđivanje radnog odnosa)

USAGLAŠEN U IZMIJENJENOM TEKSTU KAKO SLIJEDI:

Rad radnika u srednjim školama obavlja se u skladu sa zakonom i podzakonskim aktima kojima se regulira srednje obrazovanje, nastavnim planovima i programima, pedagoškim standardima i normativima koji se primjenjuju za rad srednjih škola i opštim aktima škole, čije utvrđivanje će se vršiti uz obaveznu konsultaciju sa nadležnim organima reprezentativnih sindikata srednjih škola.

Član 6.

(Utvrdjivanje poslodavca)

DJELIMIČNO USAGLAŠEN (SAMO RIJEČI: „sa svojim osnivačem“ SU NEUSAGLAŠENE)

Poslodavac u smislu ovog ugovora je srednja škola sa svojim osnivačem, sa kojom radnik zaključuje ugovor o radu i zasniva radni odnos, te na osnovu ugovora o radu obavlja određene poslove i zadatke, a poslodavac mu isplaćuje plaću i naknade plaće, te izvršava druge obaveze iz radnog odnosa u skladu sa zakonom, ovim kolektivnim ugovorom, opštim aktima škole i ugovorom o radu.

Član 7.

(Zdravstvena sposobnost)

USAGLAŠEN U NEIZMIJENJENOM TEKSTU

- (1) Ugovor o radu u srednjoj školi može zaključiti lice koje ima opštu zdravstvenu sposobnost utvrđenu od nadležne zdravstvene ustanove i koje ispunjava posebne uvjete za obavljanje odgovarajućih poslova.
- (2) Radnik u srednjoj školi koji u toku radnog odnosa oboli od zarazne ili duševne bolesti ne može obavljati odgojno-obrazovni rad sve dok traju takve okolnosti, odnosno dok radnik ne pribavi uvjerenje odgovarajuće zdravstvene ustanove o zdravstvenoj sposobnosti.

Član 8.

(Način zasnivanja radnog odnosa)

USAGLAŠEN U NEIZMIJENJENOM TEKSTU

- (1) Radni odnos u srednjoj školi zasniva se na osnovu javnog konkursa/oglasa, koji se objavljuje u sredstvima javnog informisanja.
- (2) Za prijem u radni odnos profesora/nastavnika, odgajatelja, stručnih saradnika i saradnika, srednja škola obavezno raspisuje konkurs, a za ostale radnike oglas.
- (3) Rok za podnošenje prijave po konkursu ne može biti kraći od 8 (osam) niti duži od 15 (petnaest) dana, a za oglas od 7 (sedam) do 12 (dvanaest) dana.

Član 9.

(Sadržina javnog konkursa/oglasa)

USAGLAŠEN U NEIZMIJENJENOM TEKSTU

Javni konkurs/oglas mora da sadrži opće i posebne uslove koji su zakonom, nastavnim planom i programom, pedagoškim standardima i normativima i općim aktima srednje škole utvrđeni za to radno mjesto, trajanje radnog odnosa i trajanje probnog rada ukoliko je predviđen opštim aktima srednje škole.

Član 10.

(Izbor kandidata)

USAGLAŠEN U NEIZMIJENJENOM TEKSTU

- (1) Izbor kandidata po raspisanom konkursu/oglasu vrši se u skladu sa provedbenim aktima/propisima iz člana 4. stav (5) ovog Kolektivnog ugovora.
- (2) Izbor između kandidata koji ispunjavaju uslove konkursa/oglasa, vrši se na osnovu svih podataka koje je dužan da dostavi kandidat.
- (3) Izbor kandidata prijavljenih na konkurs/oglas, mora se izvršiti najkasnije u roku od 15 dana od dana isteka roka za konkurs, odnosno u roku od osam dana od isteka roka za oglas.

Član 11.

(Obavijest o rezultatima konkursa/oglasa)

USAGLAŠEN U IZMIJENJENOM TEKSTU KAKO SLIJEDI:

- (1) Kandidatu koji nije primljen u radni odnos daje se pismena obavijest, uz odluku o prijemu, koja obavezno mora da sadrži podatke o kandidatu koji je primljen u radni odnos, razloge zbog kojih kandidat nije primljen u radni odnos i pouku o pravnom lijeku.
- (2) Kandidat koji nije primljen u radni odnos ima pravo uvida u konkursni materijal i može podnijeti prigovor školskom odboru srednje škole u roku od sedam dana od dana prijema obavijesti;
- (3) Prigovor na obavijest iz stava (1) ovog člana zadržava izvršenje odluke o izboru kandidata.
- (4) Školski odbor srednje škole dužan je o prigovoru iz prethodnog stava ovog člana odlučiti u roku od osam dana od dana isteka roka za podnošenje prigovora.
- (5) Odluka koja je donijeta po prigovoru je konačna.

Član 12.

(Ponovni konkurs/oglas)

USAGLAŠENO U NEIZMIJENJENOM TEKSTU

Ako se na konkurs/oglas, ne javi nijedan kandidat koji ispunjava postavljene uslove, donijet će se odluka o objavljivanju novog konkursa/oglasa, ukoliko i dalje postoji potreba za prijemom u radni odnos, najdalje u roku od 30 (trideset) dana.

Član 13.

(Ugovor o radu)

USAGLAŠENO U NEIZMIJENJENOM TEKSTU

- (1) Radni odnos u srednjoj školi zasniva se potpisivanjem ugovora o radu između radnika i poslodavca, danom otpočinjanja rada/stupanja na rad radnika u skladu sa ugovorom o radu.
- (2) Poslodavac je dužan radniku dostaviti dokaz, u pisanoj formi, kojim potvrđuje da ga je prijavio na obavezno osiguranje u roku od 15 (petnaest) dana od dana zaključivanja ugovora o radu, odnosno početka rada, kao i svake promjene osiguranja koja se tiče radnika.

Član 14.

(Sadržina ugovora o radu)

USAGLAŠENO U NEIZMIJENJENOM TEKSTU

Ugovor o radu pored svih elemenata utvrđenih zakonom, podzakonskim aktima, ovim Kolektivnim ugovorom i opštim aktom ustanove srednjeg obrazovanja, sadrži poslove i zadatke na koje se angažuje radnik: opis poslova i zadataka, norma časova, obaveze koje proističu za radnika iz radnog odnosa u pogledu stručnog usavršavanja, daljeg obrazovanja i unapređivanja svoga rada i druga pitanja u skladu sa odgovarajućim pedagoškim standardima i normativima.

Član 15.

(Probni rad)

USAGLAŠENO U NEIZMIJENJENOM TEKSTU

- (1) Poslodavac može ugovoriti probni rad u trajanju od tri mjeseca, a otkazni rok iznosi najmanje sedam dana.
- (2) Za vrijeme trajanja probnog rada radnika iz stava (1) ovog člana školski odbor srednje škole imenuje stručnu komisiju od tri člana od kojih dva člana predlaže direktor, a jednog člana predlaže reprezentativni sindikat srednje škole.

Član 16.

(Trajanje probnog rada)

USAGLAŠENO U NEIZMIJENJENOM TEKSTU

Ako poslodavac srednje škole nakon isteka trajanja probnog rada, a u roku od osam dana nakon dostave mišljenja od strane stručne komisije iz člana 15. stav (2) ovog Kolektivnog ugovora ne donese odluku o prestanku radnog odnosa, smatra se da je radnik zadovoljio na probnom radu, i radni odnos radnika traje do isteka vremena o trajanju radnog odnosa navedenog u konkursu/oglasu.

Član 17.

(Prestanak radnog odnosa nakon isteka probnog rada)

USAGLAŠENO U NEIZMIJENJENOM TEKSTU

Radniku koji na probnom radu ne zadovolji, poslodavac srednje škole donijet će odluku o prestanku radnog odnosa.

Član 18.

(Odsustvo za vrijeme probnog rada)

USAGLAŠENO U NEIZMIJENJENOM TEKSTU

Radniku u srednjoj školi koji je za vrijeme trajanja probnog rada određeni vremenski period iz opravdanih razloga utvrđenih zakonom i ovim Kolektivnim ugovorom bio odsutan sa rada, probni rad se produžava za isti vremenski period.

Član 19.

(Zaključivanje ugovora o radu)

NIJE USAGLAŠEN

- (1) Ugovor o radu u srednjoj školi se, u pravilu, zaključuje na neodređeno i određeno vrijeme, u skladu s Zakonom o radu, a može se u određenim slučajevima zaključiti i na određeno vrijeme.
- (2) Ugovor o radu na određeno vrijeme može se zaključiti do godinu dana i to u sljedećim slučajevima:
 - radi zamjene privremeno odsutnog radnika do njegovog povratka na rad,
 - iznenadnog povećanja obima poslova dok traje potreba za njihovim obavljanjem, i
 - prijema pripravnika radi stručnog osposobljavanja za samostalan rad, a najduže godinu dana.
- (3) Prijem u radni odnos na određeno vrijeme vrši se u skladu sa odredbama ovog Kolektivnog ugovora i Pravilnikom za prijem radnika.

ALTERNATIVNI PRIJEDLOG VLADA KANTONA:

- (1) Ugovor o radu u srednjoj školi se, u pravilu, zaključuje na neodređeno i određeno vrijeme, u skladu sa Zakonom o radu.
- (2) Prijem u radni odnos na određeno vrijeme vrši se u skladu sa odredbama ovog Kolektivnog ugovora provedbenim aktima/propisima.

Član 20.

(Privremeni i povremeni poslovi)

DJELIMIČNO USAGLAŠEN (STAVOVI 1 I 2 USAGLAŠENI, STAV 3 DJELIMIČNO USAGLAŠEN)

- (1) Za obavljanje privremenih i povremenih poslova zaključuje se ugovor o obavljanju privremenih i povremenih poslova pod uslovom da ti poslovi ne predstavljaju poslove za koje se zaključuje ugovor o radu na određeno ili neodređeno vrijeme, sa punim ili nepunim radnim vremenom i da ne traju duže od 60 dana u toku kalendarske godine.
- (2) Ugovor iz stava (1) ovog člana se zaključuje u pisanoj formi i sadrži vrstu, način, rok izvršenja poslova i iznos naknade za izvršeni posao.
- (3) Kao privremeni i povremeni poslovi smatraju se:
 1. rad u ispitnim komisijama,
 2. daktilografski poslovi,
 3. izrada rasporeda,
 4. prevod strane stručne i druge literature,
 5. usluge štampanja i umnožavanja školskog lista, (izdavanja)
 6. izrada i realizacija školskih projekata,
 7. sređivanje arhive i dokumentacije,
 8. izvođenje pripreme i instruktivne nastave,
 9. izvođenje nastave na kursevima i seminarima,
 10. čišćenje snijega,
 11. utovar i istovar materijala i opreme,
 12. održavanje stručnih seminara i predavanja,

13. rad u komisijama koje imenuje školski odbor,
14. rad na otklanjanju i okončanju zastoja dijela procesa rada,
15. izrada stručnih elaborata,
16. realizacija programa mentora za osposobljavanje pripravnika,
17. plaćanje intelektualnih usluga i autorskih honorara,
18. planiranje i realizacija projekata koji su odobreni od drugih pravnih subjekata, donatora, ili su odobreni putem javnih poziva,
19. održavanje informatičke opreme (*Hardware i Software*)
20. realizacija projekata javne, kulturne i sportske djelatnosti,
21. i drugi privremeni i povremeni poslovi predviđeni Pravilnikom o radu ustanove, uz pribavljenu suglasnost Ministarstva (dodato).

ALTERNATIVNI PRIJEDLOG VLADA KANTONA:

- (3) Kao privremeni i povremeni poslovi smatraju se:
1. prevod strane stručne i druge literature,
 2. usluge izdavanja školskog lista,
 3. izrada i realizacija školskih projekata,
 4. izvođenje pripreme i instruktivne nastave za obrazovanje odraslih,
 5. održavanje stručnih seminara i predavanja,
 6. izrada stručnih elaborata,
 7. realizacija programa mentora za osposobljavanje pripravnika,
 8. plaćanje intelektualnih usluga i autorskih honorara,
 9. planiranje i realizacija projekata koji su odobreni od drugih pravnih subjekata, donatora, ili su odobreni putem javnih poziva,
 10. održavanje informatičke opreme (*Hardware i Software*)
 11. realizacija projekata javne, kulturne i sportske djelatnosti,
 12. i drugi privremeni i povremeni poslovi predviđeni Pravilnikom o radu ustanove, uz pribavljenu suglasnost Ministarstva.

Član 21.

(Pripravnik)

DJELIMIČNO USAGLAŠEN (STAVOVI 1-3 USAGLAŠENI, STAV 4 (PRIJEDLOG VLADA KANTONA) – NIJE USAGLAŠEN)

- (1) Lice koje nakon završenog fakulteta, više ili srednje škole zasniva radni odnos prvi put u tom zanimanju, radi stručnog osposobljavanja za samostalan rad prima se u radni odnos u srednju školu na određeno vrijeme.
- (2) Radni odnos pripravnika traje do isteka roka utvrđenog za polaganje stručnog ispita, utvrđenog podzakonskim aktima, a najduže godinu dana.
- (3) Pripravnik je dužan nakon isteka roka na koji je zaključen ugovor o radu polagati stručni ispit u skladu sa podzakonskim aktima.
- (4) Srednja škola može primiti lice na stručno osposobljavanje bez zasnivanja radnog odnosa u skladu sa članom 34. Zakona o radu.